

Páirtithe sna príomhimeachtaí

Iarratasóir: Google Ireland Limited

Cosantóir: Autorità per le Garanzie nelle Comunicazioni

Na ceisteanna a tharchuirtear

- 1) An gcuirtear cosc le dlí an Aontais ar chur i bhfeidhm forálacha náisiúnta, amhail na forálacha sin dá dtagraítear in Airteagal 1 (515), (516) agus (517) de Dhlí Uimh. 178 an 30 Nollaig 2020, lena bhforchuirtear muirir bhreise riaracháin agus airgeadais ar oibreoírí atá bunaithe i dtír Eorpach eile ach a fheidhmíonn san Iodáil, amhail iontráil i gclár sonrath agus ranníocaíocht airgeadais a fhorchur? Go háirithe, an sáraítear leis an bhforáil náisiúnta sin Airteagal 3 den Treoir maidir le tráchtáil leictreonach (Treoir 2000/31/CE ó Pharlaimint na hEorpa agus ón gComhairle an 8 Meitheamh 2000) ⁽¹⁾ faoina bhfuil soláthraí sheirbhísí na sochaí faisnéise – sa chás seo Google Ireland Limited – faoi réir reachtaíocht an Bhallstáit ina bhfuil sé bunaithe go heisiach?
- 2) An gcuirtear cosc le dlí an Aontais ar chur i bhfeidhm forálacha náisiúnta, amhail na forálacha sin dá dtagraítear in Airteagal 1 (515), (516) agus (517) de Dhlí Uimh. 178 an 30 Nollaig 2020, lena bhforchuirtear muirir bhreise riaracháin agus airgeadais ar oibreoírí atá bunaithe i dtír Eorpach eile amhail iontráil i gclár sonrath agus ranníocaíocht airgeadais a fhorchur? Go háirithe, an gcuirtear cosc leprionsabal na saoirse chun seirbhísí a sholáthar a leagtar síos in Airteagal 56 [CFAE] agus prionsabail chomhchosúla a eascraíonn as Treoracha 2006/123/CE ⁽²⁾ agus 2000/31/CE ar bheart náisiúnta lena bhforchuirtear muirir bhreise ar idirghabhálaithe a fheidhmíonn san Iodáil, ach nach bhfuil bunaithe ann, ansin i ndáil leo siúd a leagtar síos sa tír thionscnaimh chun an ghníomhaíocht chéanna a fheidhmiú?
- 3) An gcuirtear le dlí an Aontais, agus go háirithe le Treoir 2015/1535, ⁽³⁾ de cheangal ar an Stát Iodálach fógra a thabhairt don Choimisiún maidir le tabhairt isteach oibleagáide clárú leis an gClár na nOibreoírí Cumarsáide (ROC), le haghaidh soláthraithe seirbhísí idirghabhála ar líne agus inneall cuardaigh ar líne? Go háirithe, an gá an dara fleasc d'Airteagal 3(4) (b) de Threoir 2000/31 a léiriú sa chaoi go gciallaíonn sé go bhféadfaidh duine aonair atá bunaithe i mBallstát seachas an Iodáil cur i gcoinne cur i bhfeidhm beart arna nglacadh ag reachtas na hIodáile (faoi Airteagal 1 (515), (516) agus (517) de Dhlí Uimh. 178 an 30 Nollaig 2020) a d'fhéadfadh srian a chur le saorghluaiseacht seirbhíse sochaí faisnéise, i gcás nár tugadh fógra faoi na bearta sin i gcomhréir leis an bhforáil sin?
- 4) An gcuirtear cosc le Rialachán (AE) 2019/1150 ⁽⁴⁾ agus, go háirithe, le hAirteagal 15 de, agus le prionsabal na comhréireachta, ar reachtaíocht Ballstáit nó ar bheart arna ghlacadh ag údarás náisiúnta neamhspleách lena gceanglaítear ar sholáthraithe seirbhísí idirghabhála ar líne atá ag oibriú i mBallstát clárú i gClár na nOibreoírí Cumarsáide (ROC), agus ina dhiaidh sin sraith oibleagáidí foirmiúla agus nós imeachta, oibleagáidí ranníocacha agus toirmisc chun brabúis de bhreis ar mhéid áirithe a dhéanamh?

⁽¹⁾ Treoir 2000/31/CE ó Pharlaimint na hEorpa agus ón gComhairle an 8 Meitheamh 2000 maidir le gnéithe áirithe dlí de sheirbhísí na sochaí faisnéise, an trádáil leictreonach go háirithe, sa Mhargadh Inmheánach. (IO 2000 L 178, lch. 1).

⁽²⁾ Treoir 2006/123/CE ó Pharlaimint na hEorpa agus ón gComhairle an 12 Nollaig 2006 maidir le seirbhísí sa mhargadh inmheánach (IO 2006 L 376, lch. 36).

⁽³⁾ Treoir (AE) 2015/1535 ó Pharlaimint na hEorpa agus ón gComhairle an 9 Meán Fómhair 2015 lena leagtar síos nós imeachta chun faisnéis a sholáthar i réimse na rialachán teicniúil agus na rialacha maidir le seirbhísí na Sochaí Faisnéise (IO 2015 L 241, lch. 1).

⁽⁴⁾ Rialachán (AE) 2019/1150 ó Pharlaimint na hEorpa agus ón gComhairle an 20 Meitheamh 2019 maidir le cothroime agus trédhearcacht a chur chun cinn le haghaidh úsáideoirí gnó seirbhísí idirghabhála ar líne (IO 2019 L 186, lch. 57).

Iarraidh ar réamhrialú ón Tribunale Amministrativo Regionale per il Lazio (an Iodáil) arna taisceadh an 21 Deireadh Fómhair 2022 — Amazon Services Europe Sàrl v Autorità per le Garanzie nelle Comunicazioni

(Cás C-665/22)

(2023/C 63/21)

Teanga an chais: an Iodáilis

An chúirt a rinne an tarchur

Tribunale Amministrativo Regionale per il Lazio

Páirtithe sna príomhimeachtaí

Iarratasóir: Amazon Services Europe Sàrl

Cosantóir: Autorità per le Garanzie nelle Comunicazioni

Na ceisteanna a tharchuirtear

- 1) An gcuirtear cosc le Rialachán (AE) 2019/1150 ⁽¹⁾ ar fhoráil náisiúnta lena gceanglaítear ar sholáthraithe seirbhísí idirghabhála ar líne agus ar sholáthraithe inneall cuardaigh ar líne faisnéis ábhartha maidir lena n-ioncam a sholáthar ar bhonn rialta, chun críche sonrach cur chun feidhme cuí agus éifeachtach an rialacháin sin a áirithiú, lena n-áirítear trí fhaisnéis ábhartha a bhailiú?
- 2) Ar bhonn Rialachán (AE) 2019/1150, an féidir a mheas go bhfuil an fhaisnéis ina ceangal i gcomhthéacs Córas Faisnéis Eacnamaíoch, a bhaineann go príomha leis an ioncam a fhaightear, ábhartha agus ríthábhachtach i ndáil leis an gcuspóir a shaothraítear leis an Rialachán sin;
- 3) An gceanglaítear le Treoir (AE) 2015/1535 ⁽²⁾ ar na Ballstáit fógra a thabhairt don Choimisiún faoi na bearta lena gceanglaítear ar sholáthraithe seirbhísí idirghabhála ar líne agus inneall cuardaigh ar líne tuarascáil a chur isteach ina bhfuil faisnéis ábhartha maidir lena n-ioncam, as neamhchomhlíonadh a ghearrtar fineáil? Más amhlaidh atá, an gceadaítear leis an treoir do dhuine aonair cur i gcoinne bearta nár cuireadh in iúl don Choimisiún a chur i bhfeidhm air?
- 4) An gcuirtear cosc le hAirteagal 3 de Threoir 2000/31/CE ⁽³⁾ ar údarais náisiúnta forálacha a ghlacadh, ar forálacha iad, chun a áirithiú go gcuirfead Rialachán (AE) 2019/1150 chun feidhme, lena bhforchuirtear ualaí breise riaracháin agus airgeadais ar oibreoirí atá bunaithe i dtír Eorpach eile ach atá ag feidhmiú san Iodáil, amhail tarchur tuarascála ina bhfuil faisnéis ábhartha maidir lena n-ioncam, agus as neamhchomhlíonadh a ghearrtar fineáil?
- 5) An gcuirtear cosc le prionsabal na saoirse seirbhísí a sholáthar atá cumhdaithe in Airteagal 56 CFAE agus Airteagal 16 de Threoir 2006/123/CE agus Treoir 2000/31/CE ⁽⁴⁾ ar údarais náisiúnta forálacha a ghlacadh, ar forálacha iad, chun a áirithiú go gcuirfead Rialachán (AE) 2019/1150 chun feidhme, lena bhforchuirtear ualaí breise riaracháin agus airgeadais ar oibreoirí atá bunaithe i dtír Eorpach eile, amhail tíolacadh tuarascála ina bhfuil faisnéis ábhartha maidir lena n-ioncam, agus as neamhchomhlíonadh a ghearrtar fineáil?
- 6) An gceanglaítear le hAirteagal 3(4)(b) de Threoir 2000/31/CE ar na Ballstáit fógra a thabhairt don Choimisiún faoi na bearta lena gceanglaítear ar sholáthraithe seirbhísí idirghabhála ar líne agus inneall cuardaigh ar líne tuarascáil a chur isteach ina bhfuil faisnéis ábhartha maidir lena n-ioncam, as neamhchomhlíonadh a ghearrtar fineáil? Más amhlaidh atá, an gceadaítear leis an treoir do dhuine aonair cur i gcoinne bearta nár cuireadh in iúl don Choimisiún a chur i bhfeidhm air?

⁽¹⁾ Rialachán (AE) 2019/1150 ó Pharlaimint na hEorpa agus ón gComhairle an 20 Meitheamh 2019 maidir le cothroime agus trédhearcacht a chur chun cinn le haghaidh úsáideoirí gnó seirbhísí idirghabhála ar líne (IO 2019 L 186, lch. 57).

⁽²⁾ Treoir (AE) 2015/1535 ó Pharlaimint na hEorpa agus ón gComhairle an 9 Meán Fómhair 2015 lena leagtar síos nós imeachta chun faisnéis a sholáthar i réimse na rialachán teicniúil agus na rialacha maidir le seirbhísí na Sochaí Faisnéise (IO 2015 L 241, lch. 1).

⁽³⁾ Treoir 2000/31/CE ó Pharlaimint na hEorpa agus ón gComhairle an 8 Meitheamh 2000 maidir le gnéithe áirithe dlí de sheirbhísí na sochaí faisnéise, an trádáil leictreonach go háirithe, sa Mhargadh Inmheánach (IO 2000 L 178, lch. 1).

⁽⁴⁾ Treoir 2006/123/CE ó Pharlaimint na hEorpa agus ón gComhairle an 12 Nollaig 2006 maidir le seirbhísí sa mhargadh inmheánach (IO 2006 L 376, lch. 36).

Iarraidh ar réamhrialú ón Tribunale Amministrativo Regionale per il Lazio (an Iodáil) arna taisceadh an 21 Deireadh Fómhair 2022 — Eg Vacation Rentals Ireland Limited v Autorità per le Garanzie nelle Comunicazioni

(Cás C-666/22)

(2023/C 63/22)

Teanga an chais: an Iodáilis

An chúirt a rinne an tarchur

Tribunale Amministrativo Regionale per il Lazio